

華  
嶽  
全  
集

刻華嶽全集敘

今

國家磐孟歲久榮素日彬亡言  
墮山喬嶽仙島洞天即丘壑  
擅一偶之勝舉巒嶺四眺之  
竒靡不咀墨鋪縑綵青表振  
直將藻渾池之支俾令起色  
倩愚公之力務向含毫豈其

配天之嶽而妙垂世之文哉  
蓋余不佞自解褐入關迄建  
旄今陝其道華下者數矣仰  
金天之聳翠訪玉井之開祥  
展禮脩虔陟高矚遠彼層巖  
之屹嶮嶽嶽烟嵐之嚶溟鬱  
峴面面駭目色色賞心顧讀  
所為華山集者既品析之焚

殺亦蒐羅之掛漏山靈幾涸  
文獻曷徵焉貳憲天中張君  
鎮潼之暇亦斯是慨乃謀手  
編俾鐫掌故不再月而工竣  
謁敘不佞余惟自二儀肇判  
揭天柱而維地軸者嶽為尊  
自五位攸分鎮神臯而通帝  
座者華為賢彼其霧鍾而聖

神立極奧秘而文物開先德  
配金行氣肅玉宇麗澤為允  
八埏說少皞之成闔戶謂坤  
萬品遂蓐收之利此非獨一  
方之賴也介江河而內峙樞  
區寓以中蟠蠡天峭壁五千  
仞之削成挿漢懸崖四十里  
之直上頽峯瞰若木之陽飛

瀑瀉芙蓉之露此非獨一方  
之雄也唯是分封畫野首雍  
寧泰使四塞之疆永安歸馬  
八水之溼常咏維魚則關以  
西之所倚命登耗與蒞關西  
者之所藉手報塞者爾夫人  
昨嶽罔與銷侵錫羨而轅又  
安嶽非人罔與闡幽祚世而

揚景鑠源昔軒遊舜望邈矣  
遐哉王降而漢隋代遷于唐  
宋法駕時裡眄素靈之趾  
桓碑世勒扶輿白帝之墟爰  
迨

熙明益隆崇奉

高皇夢遊而秩紀

列聖殷薦於報祈疇匪懷靈祝而

明禋感神功以幽贊者乎張  
君是役也冥搜窮索撫故增  
新承亥刊訛魚珍覈謬更朐  
列而星分遂雲蒸而霞變不  
惟使西嶽之雄秀畢呈東井  
之文明載煜而按圖牒見神  
奇之天造稽藏育識英泝之  
地靈攷秩紀而典神厚下之

義明諦詞賦而颺休寄興之  
思遠允矣人祇共快孰云化  
理無關他若神蹟仙蹤之臚  
列玄棲道宇之刺陳物有異  
而胥書事無詭而不纂凡詞  
客騷工幽人達士不必覓九  
節之竹躡三峰之枰而閬廈  
軒庭閑披几案可以攬真境

而昨遊收大觀于坐致張君  
之用意不其勤與彼徒組山  
繪谷而夸夸誣語惟志詼以  
餌登覽則嚮者剽勝傳奇之  
所或然不同類而稱矣張君  
昔司諫議挺勁直之孤標再  
飭鞬鈴肅威嚴之偉望然則  
斯刻也其亦有與嶽相印證

者哉是用櫟括而弁厥首

萬曆歲在丁酉楔月吉旦

欽差巡撫陝西等處地方贊理軍  
務兵部右侍郎兼都察院右  
僉都御史沼水賈待問撰

此以序也謹將各供各處名目供信錄今千百事

禪皆目以世衍作者言凡各處先信不涼者生靈也

大順五年開創第一令書



華嶽全集敘

習聞寓內雄著大觀有方嶽五  
而過余之遊者三焉蓋余家世  
卜嵩趾暇則拄笏六六峯頭天  
中河洛細若懸絲已東遊登泰  
岱小六合吳門匹練渤海扶桑  
老枝縹緲日觀雙眸乃朱陵吞  
雲夢翔鎮凌斗柄英氣不與傾

蓋猶位沈諸梁鄙陋憾祗按圖  
神遊耳今茲何幸祗役三輔長  
揖太華以與四嶽提衡參輕重  
也平平之壤突兀而起不緣根  
蒂一絕三峯直插上千翠雲與  
斗辰侶二絕一片古壁危然倒  
豎秀色可食三絕陟彼高崖周  
望數百里外關隴城市涇渭洪

波若有若無若道子壁上所去  
筆者撫乾坤於一眦覺神氣之  
瀟瀟曰喟然曰雄哉觀乎昔人  
謂呼吸之氣想通帝座洵然即  
嵩岱鞭弭退舍矧恒霍耶尸子  
有言松柏之鼠不知堂密之美  
擬藉令足未到太華安知金天  
有巨壑所闢若此一槩之識顧

可缺與此是亟索掌故得華嶽  
全集蓋嘉靖玄默閣茂李尹時  
芳菴脩云嗟嗟是集也無論山  
川人物獵異蒐奇源自歷代以  
洎我

朝展禮祈釐

宸藻具在寔惟西秦文獻之領袖  
詎一郡一邑之志比哉舊本多

承夾且駁樂罔稱余廼謀稍稍  
第置以俾太華足徵焉遂檄華  
陰令馬明卿越兩月而就緒今  
為卷凡若干穠刺舛蕪括聚散  
逸圖說增飾釐政典記贊咏曹  
分類析銓次之一展玩間五千  
仞巨麗昭然几席庶幾哉於華  
嶽翁可稱良史爾夫山不以形

勝而以孕靈毓秀勝若太華霸  
蹤秀跡甲彼方嶽故岱雖稱宗  
莫或先焉儻遊是山者又不但  
玩峰巒之綺分娛洞天之幽棧  
取吾丹府秘源仡作玉津金液  
形氣共遣性情同冥巍巍四嶽  
直飲之胸中數丸耳徒爾駕鹿  
笑龍云乎哉刻成以是言載之

篇首意者白帝之精神托之此  
也夫

萬曆歲舍丙申嘉平月穀旦

欽差整飭直隸潼關河南關靈陝  
山同華蒲州等處兵備陝西按  
察司副使天中張維新謹識

學衍於芝蔭天授一打先反聖嚴所序  
心台院有存之妙  
冬禪衣園淵原右由則異世而同德以侯後之君子  
大快而年開劇才一令曹士協漢禱



十嶽全集目錄

卷之一

圖說

卷之二

峰麓名勝紀

物產

靈異

卷之三

封號攷

祭告文

卷之四

文

碑記

碑銘

紀畧

卷之五

狀書

辯

頌

卷之六

賦

卷之七

五言古風

卷之八

七言古風

卷之九

五言律詩

卷之十

五言排律

卷之十一

七言律詩

七言排律

卷之十二

五言絕句


卷之十三

七言絕句

華嶽全集卷之一


西方七宿圖

天中張維新曰按古本圖說二十有四所從來矣說  
稍增飾圖不得加損云



按石氏星經西方白帝其精白虎為七宿奎婁胃昂  
畢觜參司秋司金司西嶽故圖首七宿云

西嶽真形圖



五嶽真形圖見萬花谷記又見抱朴子今觀其圖頗類古符篆意必有所本故特存之

山开图

太華山

南峰

西峰

東峰

車箱谷

毛女洞

總仙洞

查公室

瀑布

青柯坪

蘇羅坪

毛女洞

三松

華山

西嶽廟

觀臺


母

玉女洞




馬明卿曰宇內名山惟聞其高與大耳華嶽三峰壁立四方削成迥出雲霄之上而諸峰左拱右朝前列後屏儼然有居中制外義以少陰用事名司冠冠疊嶂層巒名蓮花峰今觀其形良然雖造化無心乎乃生成之妙圖畫弗能狀文墨弗能悉也經曰其高五千仞直上四十里登覽者不以此兩言盡華山之奇則得華山矣

第一關桃林坪圖



自谷口陟二里許有雲根石蓋秋陰雲下垂至此再  
上三里兩山相夾中僅容人為五里關關上即桃林  
坪山色四圍鳥語花香即非人世華嶽之勝當漸入  
矣


張超谷圖



仙谷以張超結廬故名今石室依然獨無所謂五里霧耳悵望仙跡令人有餐霞之想予謂世無蓬萊有則此其一也


# 希夷峽圖

希夷峽圖



希夷原非仙者仙其托處耳觀其墜驢之笑對御之  
言其自負固已不凡然能翩翩人世之外夢游羲皇  
脫骨名山卒以仙終豈世網能羈者耶


洞天坪小上方圖



洞天坪即莎蘿坪其東絕巘處為上方峰突面攀鎖  
險不可視萬曆甲申鎖斷壞人四十有八上者猶如  
故甚哉小民之不智也非登嶽要路何必其然每年  
三月當有禁令勿登可也

青柯山鳳凰山青柯館圖

鳳凰山



青柯坪

青柯坪在十八盤上羅立諸峰屏環渭水南面水簾瀑布飛揚太華勝槩已得其大都焉乃坪始為三峰麓耳有青柯公署名山蔭秀坊西嶽祠廖陽洞太虛庵

今上欽賜道藏經自谷口至此稱二十里雖崎嶇哉然周折轉曲尚可肩輿北上則砍梯與索耳深衣大袖豈可為哉


北斗峰并斗陽含龍圖

并石



青柯坪西有峰挿天名曰北斗坪蓋四毛女拜斗得  
仙之地也事未可必然四女子者當亂而避世於此  
亦烈烈女中丈夫哉後世以仙名余謂不如以節許  
也

千尺嶂圖



青柯坪東上三里許兩山合而中有隙鑿石橫木循  
磴而上不可下視視則神搖足慄慄弗能止至巔忽  
昭昭明透如出井中見天日則千尺幢頂也名曰千  
尺奚止千尺哉

百八峽圖



華嶽全集

天卷之一

十一

嶂上不一里即百尺峽峽如嶂而縮險與嶂稱已過  
嶂則於峽且易之矣

老君犁溝圖



峽上五里許有山如礪不可以足中有溝宛如犁闢  
然亦鑿石樟挽而上險不過幢峽視若無馬以幢峽  
陰而溝陽也此亦以形相肖故名好事者至為鐵犁  
藏於龕謬矣

蒼龍嶺圖



三峰四面皆壁立忽有竈如月南高北下遠望如龍  
脊然左右深塹不敢旁睨循級登進蓋不知幾千萬  
丈也倘非嶺則三峰允升無自天其生之以俟人者

玉井鎮嶽宮圖



鎮嶽宮在三峰中央有玉井井生千葉白蓮食之令人羽化今無有昌黎詩存咏之增慕今觀井深數十丈蓮豈種可得或山靈瑞氣有感而自生耶人謂芝無根此蓮疑亦或然

大南峰圖



華嶽惟南峰最高南峰兒女兩峰兩峰兒女諸峰則南峰者華嶽之元首秀氣所獨鍾也昔有細人鑿石為祠已被

文宗許毀去特其損鑿者未經培覆靈氣未盡凝聚耳是有望於後之留意者自青柯坪至南峰頂稱二十里

南峯賀老避靜室圖

石龍口

長空橋

青石嶺


賀老石室

真岩



悟道以靜亦靜以心耳豈在居哉賀老避靜乃鑿室  
南峰之背危崖斷壁之中下視無際墜石無聲乃以  
棧道橫穿凌風而度茲豈可以身試乎其懸崖中且  
鐫全真岩三字各大仞許苟無神仙風骨此字奚以  
成哉亦竒怪也

東峯石樓巨靈掌石月園



東峰下仙掌形自縣望之五指分明其為掌形無疑  
然至峰下實石崖空懸赤光燦爛耳傳言巨靈擘嶽  
之痕事固神異不敢謂為不然亦豈謂為然耶

東峰朝陽峰基石圖


朝陽峯

基石  
基坪

基仙橋


基

基



東峰南下忽一峰突兀深壑中為下基石蓋衛叔卿  
與群仙博地也叔卿即以武帝遇而不遇千載下猶  
抱遺恨焉顧今安得叔卿而探長生之訣哉嗚呼世  
事如基石足明仙道矣

東峯石龜王女廟洗頭盆石龜跡圖



東峰左襟下為玉女峰昔有人見玉女乘白馬入峰  
間故為廟祀以禱嗣則輒應固知金主肅殺未嘗不  
生生也即制而不過謂非所以生之歟

西峰石樓水簾洞石仙人瀑布泉蓮葉峰石龜圖

石樓

蓮葉

石仙人

石仙人


蓮葉

瀑布泉

水

蓮葉

石龜




西峰嶺有巨靈足摘星石各以其形得名獨瀑布泉  
飛流變幻忽為雲霧忽為玉屑至水簾洞出而水簾  
則孔然萬仞之中可望不可即意其中不知何等景  
象所有不知何等物從古無有能躡其近者則華嶽  
之所謂至妙至妙者歟

華陰方域之圖





華山一脈西通隴蜀東連燕薊綿延將萬餘里三峰  
其結秀巖耳語云人傑地靈關中古多豪傑若華陰  
伯起四知與嶽齊芳食采於土者千載後猶仰止焉  
矧桑梓士耶若論地勢則四鎮咽喉天中鎖鑰城不  
滿三里實要地也不徒以有華嶽云

嶽廟圖



歎廟古制更壯麗擬於王者嘉靖乙卯地震頽後重新又三十年餘西角樓火中樓歆今不為理後費將不貲第事巨縣莫敢任廟有大栢數百皆歷數千年後成者培植防護則司縣者之責也

雲臺觀圖



觀址舊有今之三存者一焉且分為兩區所祀神惟  
嶽神為正餘皆非然華嶽山高谷空風甚緊非為屈  
其口則縣城當之矣故古人建置非無以也

玉泉院圖



華溪水伏見不常玉泉謂即玉井滲出者不誣也清  
冽而甘服之可去沉疴院有希夷先生卧像山蓀亭  
龍藤樹古栢泉聲清流翠黛為華嶽大門登者至此  
已覺塵囂脫化爽然自失矣